

دائرة مخصوصه

در سعادتده باب عالی جوارنده

محل اداره :

مشرط القیم

اخطار :

مسلكمزه موافق آثار جدیده مع المنو به

قبول او انور

درج ایندین آثار اعاده او نیاز

دین، فلسفه، علوم، حقوق، ادبیات و سیاسات و باطالع کرم سیاسی و کرم اجتماعی و مدنی احوال و مشوره اسلامیه و بحث ایمر و هفته ده بر نشر انور.

آبونه بدلی

صاحب و مؤسسلری :

در سعادتده نسخہ سی ۵۰ پاره در

ابوالعلا زین العابدین - ح . اشرف ادیب

سنه لکی التي آیلنی

ممالک عثمانیه ایچون	۸۰	۴۰	غروش
روسیه	»	۶۰۵	روبله
سائر ممالک اجنبیه	»	۱۷	فرانق

تاریخ تأسیسی

۱۰ تموز ۳۲۴

قیرلہ دن مقوا بودو ایله کوندریلیرسه سنوی
۲۰ غروش فضله آلنیر

عدد : ۷۴

۲۲ محرم ۳۲۸ پنجشنبه ۲۱ کانون ثانی ۳۲۵

اوچنچی جلد

دور تخریج ... ادوار مظلمة تقلیدك ایلک صفحه سی .. بو طبقه ده
اجتهاد، اجتهاددن برزده دکل، شائبه سی بیلک قالمیشیدی. « المتون
کالنصوص » بردستور اعظم اعتبار ایدیلرک متون نصوص مقامنه قائم
اولمشیدی.

دور ترجیح، دور تمیز ... علم فقهه تاریخنده یک آز منور
ایکی لوحه سیاه ..

بوندن سوکره ظلمت مطلقه دوری، بوندن سوکره علم ایچون،
فقه ایچون برزمان فترت بدأ ایدیور.

[صوکی وار] قزانی حلیم ثابت

مِنَاقِبِ سِنِّيَّةٍ

— مابعد —

حبة انبت سنابل والعص

ف لديه يستشرف الضعفاء

ناظم حضرتلری جناب حلیمه نك رسول اکرم صلی الله تعالی
علیه وسلم افندمری ارضاع ایتسی برکتیله مشارالیهان زنده بعد الفحط
وسعت حاصل اولدیغی وکنیدنه کنیدی عملی جنسندن اوله رق
قیونلرینک بول بول سوت ویرملریله مکافات ایدلرکین تقرر ایتدکن
صکره شمیدی ده « لقد ضوعف الاجر علیها » قولنده ذکر ایلدیکی
مضاعفه نك نه مرتبه به بالغ اولدیغی تمثیل طریقیله ایضاح ایدرک شویله
دیور: بور تخم دانه سیدرک سنبله لر انبات ایلدی، حالبوکه اول وقت
ضعفا و فقرا اکنک هنوز کوک یا پراغنه منتظر ایدیلر. حلیمه سعیدیه نك
قات قات اجر و مکافاتنه باعث اولان امر رضاعی و بسبب ایله خارق
العاده محصولات ویرن اکنلری هر باشاغنده یوز حبه اولمق اوزره
کنیدسندن یدی باشاق حصوله کلش تخم دانه سنه آندیر یور، حالبوکه
مشارالیهانک قات قات نائل اولدیغی نعمت و احسانلر جمله سندن اوله رق
اکنلرنده بودرجه فیض و برکت ظهوره کلدیکی وقت نباتات بالکلیه
مفقود اولدیغی جهته فقرا و ضعفای حبوباتی کورمک شویله طورسون
حبوباتک هنوز کوک یا پراغنه منتظر اولورلرده فی بیلک کوره میورلر ایدی.



ناظم حضرتلری « حبة انبت سنابل » سوزی سورة بقره ده
واقع « مثل الذین ینفقون اموالهم فی سبیل الله کمثل حبة انبت سبع
سنابل فی کل سنبله مائة حبة » آیت کریمه سندن مقتبسدر و آتیده کی
« سبع » لفظی حذف ایلمسی بو عددک خصوصی مراد اولمیوب بلکه
انکله مطلق کثرت مراد اولدیغنه تنبیه ایچوندر. آیت جلیله نك مال
مینی: مالارینی فی سبیل الله اتفاق ایدیلرک حال و شانی [کرک واجب
کرک نفل علی الاطلاق مالارینی وجوه بروخیره صرف ایدنلرک نفقه لری]

هر سنبله سنده یوز حبه اولمق اوزره یدی سنبله انبات ایدن بر تخم
دانه سنه بکنزر [یعنی اول تخم دانه سنه آندیررکه ایدن بر ساق سوروب
یدی داله آریلور و هر دالک یوز عدد دانه لی بر باشاغی اولور].
انبات ایدن جناب باری ایکن آیت کریمه ده انباتک حبه به اسناد
بیورلمسی انباتک ارضه وربیعه اسنادی کی سببه اسناد قیلندن مجاز
عقلی در. تمثیله کلنجه: قاضی بیضاوی تفسیرنده مسطور اولدیغی
اوزره بر تخم دانه سندن یدی یوز ودها زیاده دانه حصوله کلدیکی مصر
بغداینده و قاراجه داریده و یک محصولدار اراضی بغدایلرنده مشهوردر.
بو اولمه بیلک تمثیلده فرض و تقدیر کفایت ایدوب تمثیلک صحیح ایچون
مثل بهک بالفعل وقوعی اقتضا ایتز.

بیانه اعراب و لغات

[حبة] مبتداء محذوفه خبردر و کلامده تشبیه واردر، عبارت [هذه
الفلة الصادرة من حلیمه کحة] تقدیرنده در. طرفیندن مبتدا تقدیراً و خبر
لفظاً مذکور وادات تشبیه مطوی اولغله بو طریق افاده تشبیه بلیغدر،
یوقسه استعاره دکلدر. حالک وباء مشدده نك فتحه لرله [حبه] حب
کله سنک واحدی اوله رق بغدای و آریه و سائر غله لک دانه سنه دینور [حب]
اسم جنسدر جمی حبات وحبوب و حبات کلور. [انبت] افعال بابندن
ماضی و حبه نك صفی، مصدری اولان انبات: بتورمک معناسنده در و ضمیری
حبه به راجعدر. [سنابل] مفعول و [سنبله] نك جمی در. سنبله:
اکنیک صالحه دینورکه ترکجه ده باشاق تعبیر اولنور. (والعصف) ده
[واو] حالیه و عصف مبتدادر. عینک فتحی وصادک سکونیه عصف:
هنوز تازه اکن یا پراغنه دینور [لديه] مابعدینه متعلقدر و ضمیر انبت
فعلندن مستفاد اولان انباته راجعدر، « اعدلوا هو اقرب للتقوی » نظم
شریفنده کی ضمیر قیلنددر. لدی: عند کی قرب و حضوری مفیددر
و ظروف مکانیه و زمانیه دندر لدی الباب، لدی التحقیق کی، بوراده اولدیغی اوزره
ضمیر ایله استعمال اولندوقده آخرنده کی (ی) تلفظ اولنور: لديه. لدیک
لدینا کی. یای مشکلمه مضاف اولورسه هم تلفظ و هم تشدید ایدیلور:
لدی کی. (يستشرف) منتظر اولمق معناسته استشرافدن مضارع. (الضعفاء)
فاعله و جمله فعلیه مبتدایک خبریدره مبتدایه راجع اولان ضمیر مخدوفر
(يستشرفه) تقدیرنده در و ضعیفک جمی در. بوراده ضعفایله فقرا
مراددر.

[بقیه سی وار] برکت زاده اسماعیل حق



« لامارتین » دن:

خزان

السلام، ای خضارت باقیه بهار ایله متوج لطیف اورمان!
ای متفرق چمنزار اوزرنده غنوده صارارمش اوراق اشجار! السلام
ای سویملی ایام اخیره! طبیعتک بورنک مائنی و احزانی ایله تألمات
واضطرابات روحانیه نه قدرده هم آهنگ، انظارمی نه قدرده تلطیف
ایدیور.

خطواتم، سکون آباد وادی به طوغری متفکرانه ایلرلدکجه
اطرافمی نظر تماشادن کچیرمک، صوک دفعه اوله رق برلون اصفرار
ارائه ایدن کونشی کورمک، نشر ایتدیکی خفیف و ضعیف ضیائک